

ԳԻՏԱԿԱՆ ԻՆՖՈՐՄԱՑԻԱ НАУЧНАЯ ИНФОРМАЦИЯ

ԱՐՄԱՎԻՐԻ 1974—1976 թթ. ՊԵՂՈՒՄՆԵՐԸ

Նախորդ տարիներին Արմավիրի արշավախումբը կարողացավ հիմնականում ավարտել միջնաբերդի արևմտյան ծալրամասի պեղումները: Զպեղված մնացած համեմատաբար փոքր տարածության ուսումնասիրությունը շարունակվեց հաշվետու ժամանակաշրջանում: Արշավախմբի ուժերը կենտրոնացվեցին մի նոր տեղամասում, արևմտյան լանջի վերին հատվածում: Այստեղ բլրի գագաթին կանգնած շենքի մոտակայքում սկիզբ է առնում ուշադրության արժանի և հեռանկարային մի տեղամաս (նկ. 1): Դեպի արևմուտք իջնող տեղանքի ընդհանուր առմամբ հարթ մակերեսը կտրտված է համեմատաբար վերջերս փորված խրամատներով: Սակայն տեղում երևացող գերազանց հղկված բազալտե վեժերի բեկորները հույս էին ներշնչում, որ այստեղ պետք է որ գտնվեր կարեւոր մի կառույց՝ հնագիտական նյութերով հանդերձ: Գագաթի մոտ արևմտյան լանջը խիստ ժայռոտ է: Բնական ժայռ դուրս է գալիս մեծ իրանավանդերով: Ուստի պեղումները սկսվեցին այդ ժայռերից ներքև, մինչև առաջին խրամատը հասնող տարածքում: Այստեղ աստիճանաբար ուրվագծվեց մի համալիր՝ կազմված բազմաթիվ սենյակներից, որոնց նկարագրությունը, ըստ հերթականության, ներկայացվում է ստորև:


Պեղումները սկսվեցին 28 Մ և 28 Ն քառակուսիներում: Բացվեց երկու սենյակ՝ № 1, որը պեղվեց նաև հաջորդ տարիներին և № 2, որի բացումն ավարտվեց հաշվետու ժամանակաշրջանում: Պեղումների ժամանակ պարզվեց, որ այդ սենյակների արևելյան պատը հենվում է ժայռին, որը տեղ-տեղ առաջ է գալիս (օրինակ. № 2 սենյակում)՝ նրա հատակին տալով թեք բնույթ: № 1 սենյակի արևելյան պատի ստորին մասը շարված է միջին չափի շեշաքարերով, իսկ վերին մասը՝ հում աղյուսով: Արևելյան պատի մեջ բացվեց մի հոր (խորությունը 1,0 մ, տրամագիծը՝ 1,30 մ) միջնադարյան խեցեղենի մնացորդներով: Հորից հարավ արևելյան պատը անկյուն էր տալիս կազմելով մի որմնահեն (երկարությունը 3,55, լայնքը՝ 1 մ): Սենյակի հյուսիսային պատից

պահպանվել էր հիմնականում նրա քարե ներքնամասը: Այն աստիճան առ աստիճան իջնում էր արևելքից արևմուտք: Ներքևում պահպանվել էր նաև աղյուսե վերնամասի մի փոքր հատված: Պատի վրա գտնվեց խորանարդաձև, մեջը անցքով տուֆե մի քար: Արևմտյան պատը ավելի վատ էր պահպանված: Նրա աղյուսե մասը դժվարությամբ էր բացվում:

Սենյակի վերին շերտերը հանելիս դուրս եկավ ուրարտական, հելլենիստական ժամանակաշրջանի, միջնադարյան խեցեղեն խառը վիճակում: Սենյակի հարավային մասում երևան եկան միջնադարյան պատերի և հատակների հետքեր, որոնց հարևանությամբ գտնվեցին բազալտե ժապաված քարերի բեկորներ՝ մեկը աստիճանաձև, մյուսը՝ խորշաձև: Բազալտե լավ մշակված քարեր գտնվեցին սենյակի տարածքում, ինչպես նաև արևելյան պատի տակ:

Սենյակի կենտրոնական մասում, նրա արևելյան և արևմտյան պատերից մոտ 0,50 մ հեռավորության վրա բացվեց միջնադարյան կլորավուն մի կառույց, հավանաբար հոր, շարված շաղախով ամրացված շեշաքարով: Նրա ու սենյակի արևելյան պատի արանքում գտնվեց մի սրբատաշ քար և սկյութական տիպի բրոնզե եռաթև նետասլաք: Սենյակի մեջ խորանալիս խեցեղենի կերպարը մինչև վերջ չհասնողացավ: Մի առ ժամանակ հելլենիստական դարաշրջանի խեցեղենը ստվարացավ, բայց չէին պակասում միջնադարյան և ուրարտական խեցեղենի բեկորները, այդ թվում նաև կարասներ:

Առաջին սենյակին հյուսիսից հարում է № 2 սենյակը: Այն բացված է ամբողջովին և ունի արևելքից արևմուտք ձգվող նեղ ուղղանկյան տեսք: Արևելյան պատի քարե հիմքերը նստած են բարձրադիր ժայռի վրա, իսկ հյուսիսային և հարավային պատերի հիմքերը աստիճանաձև խորանում են մինչև 3,50 մ և միանում են արևմտյան պատի հիմքերին: Հյուսիսային պատի աղյուսե վերնամասը կարճես. քիչ առաջ է եկած և թվում է հազցված է քարե ներքնամասին: Այս կավե վերնամասի վրա ուրվագծվում է



04. 1

միջնադարյան մի հոր (տրամագիծը 0,80 մ) խոհանոցային խեցեղենով և երևում են միջնադարյան սենյակի եղեգե ծածկի մնացորդներ:

Այս սենյակի վերևի շերտերում նույն օրինակավորվածներն են երևում, ինչ որ հարևան սենյակում: Որոշակի հետաքրքրություն է ներկայացնում սենյակի երկարությամբ բացվող շերտադրական նշանակությամբ կտրվածքը, որը փաստորեն 28 Մ քառակուսու հյուսիսային կողմ է կազմում: Կտրվածքում լավ երևում էր ածուխի 0,50—0,80 մետրանոց մի շերտ, որը արևելքից իջնում էր արևմուտք: Նրա արևելյան ծայրում նստած էր բազալտե մի վեմ լավ մշակված երեսներով: Ածուխի շերտից ներքև գտնվեցին նաև արտադրական նշանակության տուֆե քարեր, ուրարտական կարասների բեկորներ: Սենյակը խորացնելիս նրա արևմտյան մասում մեծ թվով ուրարտական խեցեղեն էր դուրս գալիս:

1976 թ. հնարավորություն ունեցանք նոր սենյակների պեղումներ սկսել № 2-ից հյուսիս և № 1-ից արևմուտք:

№ 2 սենյակի հյուսիսային պատի հետ մեկտեղ բացվեց մի նոր սենյակ, № 3, որը, ինչպես պարզվեց հաջորդ տարիների պեղումներից, փաստորեն մի երկար միջանցքի մասն էր կազմում: Նրա պատերը, որոնք նույնպես աղյուսից էին, քարե հիմքերի վրա, բացվեցին մոտ 8 մ երկարությամբ: Նրանք ավելի արևելքից էին սկիզբ առնում, քան № 1 և № 2 սենյակներինը. հավանաբար ժայռոտ զանգվածը այստեղ քիչ ավելի էր ընկնում: Սենյակում բացվեց վառված աղյուսի շերտ, ածուխ: Հյուսիսային պատի տակ որմնակարների, ավելի ճիշտ կապույտ և կարմիր խայտերի հետքեր երևացին:

№ 4 սենյակի արևելյան պատը բացվեց № 1 սենյակից դեպի արևմուտք, բավական մեծ տարածության վրա: Պատի մեջ փորված էր մի հոր (տրամագիծը 1—1,10 մ, խորությունը 0,70 մ) միջնադարյան և անտիկ խեցեղենի բեկորներով: Աղյուսե պատի տակ, մոտ 0,60 մ խորության վրա գտնվեց հելլենիստական դարաշրջանի գունազարդ թասի մեծ բեկոր: Այստեղ նկատվեցին ինչ-որ հատակի հետքեր, որոնց տակ արդեն ուրարտական որմնակարների բեկորներ գտնվեցին: Այս պատի հյուսիս-արևելյան մասում բացվեցին ևս երեք միջնադարյան հորեր, որոնք ղգալի վնաս էին հասցրել № 4 սենյակի հյուսիս-արևելյան անկյունին: Տեղափոխված համեմատ լիցնելով դեպի հարավ, պատը անկյուն էր տալիս ու շրջվում արևմտյան ուղղությամբ: Պատերի երկարությունը կասկած չէր թողնում, որ գործ ենք ունենալու մի մեծ սենյակի՝ դահլիճի հետ, դա հաստատվեց հաջորդ տարիների պեղումների ընթացքում: Պե-

ղումներ են կատարվել նաև վերևում նշված սենյակների հարևանությամբ, առանց, սակայն, ղգալի խորանալու (քառակուսիներ 25, 26, 27 Մ, 25, 26 Ն): № 1 և № 2 սենյակներից արևմուտք բացվեցին քարե պատերի հետքեր, հոր, թոնիրներ, քարաբլիզային թաղում: Այստեղ գտնվեցին անցքով խորանարդաձև քար, անտիկ և միջնադարյան խեցեղեն, հելլենիստական դարաշրջանի կավե արձանիկ:

Ամրոցի մուտքի մոտ, հյուսիսային պարսպից ներս, նախորդ տարիներին բացվել էին նույնատիպ սենյակներ, որոնցից 6-րդը պեղվեց հաշվետու ժամանակաշրջանում: Հենց առաջին իսկ օրից պարզվեց, որ նրա արևմտյան պատը մյուս սենյակների պատերի համեմատությամբ անսովոր հաստությամբ ունի (3,60 մ) և որ այն փաստորեն կազմված է երկու պատերից, որոնց քարային մասը տեղանքին համեմատ աստիճանաձև իջնում էր հարավից հյուսիս: Սենյակը լցված էր քարերով: Նրա արևմտյան մասում բավականին կանոնավոր պատ էր ուղղաձիգում, որի քարերը հարթ երեսներով գեպի արևելք էին ուղղված: Հարավից բացվեց շեշաքարե կանոնավոր, բայց հողի շերտի վրա նստած մի պատ: Գտնվեց նաև սենյակի արևելյան պատը, որով պարզվեց, որ սենյակի լայնքը քիչ ավելի մեծ է, քան նախորդներինը (4 մ): Հյուսիսային պատը, որը համընկնում էր պարսպի ներսի երեսին, դժվար էր գտնել, քանի որ մնում էին միայն որպես հիմք ծառայող ժայռեր:

Բացվեց ծայրի մեջ փորված և պարսպի քարերի տակով անցնող մեկ առու, որն իր նմաններն ունի սլարսպի մյուս հատվածներում: Սենյակում տեղ-տեղ սլահպանված էր հատակը, որը նստած էր հրաբխային բնական ժայռի վրա: Այստեղ գտնված նյութը գերազանցապես ուրարտական էր, թեպետ հանդիպում են և միջնադարյան բեկորներ:

Ինչպես վերևում ասվեց, պեղումներ են կատարվել նաև ամրոցի արևմտյան, ուրարտական երկու պարսպների միջև ընկած հատվածում, հատկապես նրա հարավ-արևմտյան անկյունում: Այստեղ ուսումնասիրվեցին ուրարտական հին պարսպի՝ նախօրոք բացված մեծ դահլիճի արևմտյան պատին ու նրան ղուգահեռ ընթացող լրացուցիչ պատին միանալու հանգամանքները:

Պեղումների ընթացքում պարզվեց, որ ուրարտական այս պատերի հանդույցը օգտագործվել է ավելի ուշ ժամանակաշրջանում: Այդ մասին են վկայում խոշոր քարերից կազմված հիմքի վրա շեշաքարերով շարված նոր պատը, նրա հետ կապված շերտադրական որոշ դիտողություններ (պատը նստած է վառված շերտի վրա,

որի միջից դուրս են գալիս անտիկ խեցեղենի բեկորները), ինչպես նաև այս հանգույցում հանդիպող հնագիտական նյութը (հելլենիստական ժամանակաշրջանի գունազարդ խեցեղենի բեկորներ, միջնադարյան խեցեղեն)։


Պեղումները շարունակվեցին նաև հանգույցի առջև բացվող հրապարակում, որտեղ նախորդ տարիներում կոտակված հող կար։ Այստեղ բացվեց դեռևս նախորդ տարիներում երևացող արևելքից արևմուտք ընթացող պատը (լայնքը՝ 1,80), որն անկյուն էր կազմում հյուսիսից հարավ գնացող պատի հետ (լայնքը 1,50)։ Այսպիսով ուղղագծվեց մի մեծ քառակուսի սենյակ։ Սենյակի հյուսիս-արևելյան անկյունում բացվեց մի հարթակ, որի հետ կարող են կապված լինել այստեղ գտնված երկաթե գործիքների ու իրերի մեծ խումբը ու խարամի հետքերը։ Սենյակից գտնված խեցեղենը միատարր չէ. խառը վիճակում հանդիպում են ուրարտական, անտիկ և միջնադարյան բեկորներ։

Ամբողջացնելու համար ստացված պատկերը՝ մասնակի աշխատանքներ տարվեցին նաև ամրոցի արևմտյան հատվածի որոշ տեղերում։ Օրինակ, հիմքերը բացելու նպատակով աշխատանքներ են տարվել ուրարտական զուգահեռ պատերի (երկրորդ և երրորդ) արևմտյան ծայրում։

Ստուգողական պեղումներ են կատարվել նաև Արմավիրի բլուրը շրջապատող դաշտերում, նրանց հյուսիս-արևելյան մասերում։ Այստեղ փորված հետախուզական խրամատներից ստացված խեցեղենը անտիկ ու միջնադարյան կերպար ունի։

Պեղումների ընթացքում հնագիտական նյութը վերաբերում է տարբեր ժամանակաշրջաններին։ Ուրարտական են բազալտե քառակուսին ձև կամ խորանարդ ձև վեմերը, որոնք աչքի են ընկնում երեսների ու կողերի փայլուն մշակմամբ։ Նրանց հայտնաբերման շերտագրական հանգամանքները կասկած չեն թողնում, որ այն կառույցը, որին նրանք պատկանել են, գոյատևել է երկար ժամանակ և, դատելով որոշ հանգամանքներից, քանդվել միջին դարերում։ Նման վեմերից են կերտված եղել ուրարտական աշտարակաձև կառույցները, մի դեպքում (Կարմիր բլուր)՝ դեկորատիվ, մյուս դեպքում (Աղջեժլակ)՝ կոնստրուկտիվ նշանակությամբ։ Արմավիրի քարերը պատկանել են առանձին կանգնած, գուցե պաշտամունքային նշանակություն ունեցող, փոքր աշտարակաձև կառույցի կամ

պարզապես առնչվում են հայտնաբերման վայրին անմիջականորեն հարևան տաճարային շենքի հետ։ Նույն այս միջավայրում և անգամ պակաս խորության վրա գտնվեց խորշաձև փոքր կերտվածք բազալտից, որը, ինչպես պարզվեց, դեկորատիվ խուլ պատուհանի մի մասն էր կազմում (նկ. 2)։



Այժմ, երբ հայտնի են մի շարք ուրարտական բարձրաքանդակներ, նույնպիսի պատուհաններով, իսկ Թոփրախկալում և Հայկաբերդի (Չառլթեփե) ուրարտական հնավայրում գտնվել են ամբողջական պատուհաններ, կարելի է վստահությամբ ասել, որ ուրարտական ճարտարապետությանը հայտնի է եղել հարդարման այդ ձևը, որը ապա փոխանցվել է աքեմենյան Իրանին (տես Ջինդան-ի Սուլեյմանի և Քաթա-ի Ջարդուշտ հայտնի աշտարակավոր շենքերը, որոնց մուգ դույնի պատերը երեք կողմից հարդարված են բաց դույնի քարից պատրաստված խուլ պատուհաններով, որոնք դուրկ են կիրառական որևէ նշանակությունից ու հետապնդում են լոկ դեկորատիվ նպատակներ)։ Արմավիրի պատուհանը իր բաց գույնով ներդաշնակում է սև գույնի քարերով շարված տա-

1 Г. А. Тирациян, Урартский Армавир (по данным археологических раскопок), «Культура Востока. Древность и раннее средневековье», Л., 1979.

ճարային կառույցի հետ, որին նա ամենայն հավանականությամբ պատկանել է: Բազմադո-
նությունն այս սկզբունքը, որը հատուկ է իրա-
նական մի շարք հուշարձաններին, ինչպես երե-
վում է, իր ակունքներն ունի ուրարտական ճար-
տարապետության մեջ:


Ուշագրավ պետք է համարել որմնակարների
բեկորների երևան գալը: Դժբախտաբար նրանք
շատ են տուժել հրդեհից, այնպես որ գույները
դժվար են որոշվում: Համենայն դեպս կարմիրն
ու կապույտը, սևն ու սպիտակը երևում են.
ընթերցվում են նաև որմնակարների մոտիվ-
ները՝ մարդկային, կենդանական (հավանաբար
թևավոր ցուլեր կամ առյուծներ), բուսական
(կենաց ծառ, արմավենի) և երկրաչափական:
Չնայած բեկորների փոքրությունը, երևում է, որ
Արմավիրի որմնակարները նույնպես մի շարք
գոտիներից էին կազմված՝ եղել: Հատկապես
ուշագրության արժանի է քուրմի պատկերը՝ մի
ձեռքով սրբազան պտուղը, մյուսում՝ կողով-
մյուս մոտիվների նմանությամբ սա իր գուգա-
հեռներն ունի Արինբերդի ու Ալթընթեփեի
ուրարտական որմնակարների մեջ: Չնայած
Արմավիրում գտնված բեկորների համեստ բնույ-
թին, այժմ կասկած չի կարող լինել, որ ուրար-
տական այս հին կենտրոնում, Արգիշտիխիսիլի
արևելյան ամրոցում ևս որմնակարչությունը
զարգացում է ապրել:

1976 թ. Արմավիրում գտնվեց կրաքարից
(գրիպ) պատրաստված գլանաձև մի կնիքի
ստորին կեսը: Նրա հատակին փորագրված է
աստված խորհրդանշող թևավոր սկավառակ,
տակը պառկած կենդանի: Կնիքի կողքերին
երևում են թևավոր կենդանու պատկերներ, կե-
նաց ծառ, թևավոր մարդ, աստղային նշաններ
և այլն: Սա Արմավիրի պեղումներից գտնված
երկրորդ կնիքն է: Երկու այլ կնիքներ ձեռք
էին բերվել ն. Մառի կողմից Արմավիրի բլուրի
շրջակայքի գյուղերի բնակիչներից:

Որոշակի հետաքրքրություն են ներկայացնում
ամենայն հավանականությամբ արտագրության
մեջ կիրառությունը գտած սալերը, որոնց կոնկ-
րետ նշանակությունը մինչև վերջ պարզ չէ:
Նրանցից մեկը կլոր է, մեջտեղից անցքով և
ձազարաձև ըացվածքով: Տակի քարի վրա
պատվելու եղանակով այն հավանաբար յուղա-
տու սերմեր ճզմելուն էր ծառայում: Մյուս քա-
րը խորանարդաձև է, համեմատաբար մեծ ձա-
զարաձև անցքով՝ վերից և նրա հետ հաղոր-
դակցվող կլոր փոքր անցքով՝ առջևից: Գտնվել
են խորանարդաձև տուֆե քարեր նեղ միջանցիկ
անցքերով: Նման քարեր հայտնի են Կարմիր
բլուրից, Արինբերդից ու Կալալիդերից (ավե-
լի տափակ քար) և նրանց կապը չբամատա-

կարարման հետ բացառված չէ: Քարե առար-
կաններից պետք է հիշել նաև սև գույնի տուֆե
ծանրոցը և բազալտե սանդաքարը:

Ուշագրության արժանի է երկաթե իրերի հա-
վաքածուն՝ գտնված ամրոցի հարավ-արևմտյան
մեծ սենյակից: Թեպետ պահպանվածության



Նկ. 3

վիճակը այնքան էլ գոհացուցիչ չէ, կարելի է
տարբերել մի շարք աշխատանքային գործիք-
ներ, օրինակ, մեծ մանգաղ, դաստապանի վրա
մեխերի ու հավանաբար բրոնզե թերթիկի հետ-
քերով, թոնիներում ու օջախներում օգտա-
գործվող քերիչ-ակիչի ստորին սկավառակաձև
մաս, խոփի բեկորներ, պայտաձև իր, ուղիղ ու
կեռ ձողեր: Ուշ ուրարտական ժամանակաշրջա-
նի հետ է կապվում սկյութական տիպի բրոնզե
եռաթև սլաքը (Նկ. 37), որն իր զուգահեռ-
ներն ունի ուրարտական և ետուրարտական
հուշարձաններում:

² C. A. Burney, A first season of excavations at the Uartian citadel of Kayalidere, "Anatolian Studies", vol. XVI, 1966, p. 81, pl. XII, v.

Ուրարտական խեցեղենը հարուստ է ներկայացված: Հատկապես պետք է նշել № 2 սենյակի արևմտյան մասում, մեծ խորոթյունից գտնված ուրարտական կավանոթների հավաքածուն: Հանդիպում են ուրարտական խեցեղործության բնորոշ՝ կարմիր փայլեցրած և բաց գույնի, օրինակները: Խեցեղենի տեսականին ևս հարուստ է, կան ամենատարբեր ձևերի կավանոթներ, որոնք իրենց կիրառությունն ունենին տնտեսության ու կենցաղի մեջ: Խոշոր հաստապատ կարասներ Արմավիրում գտնվել էին դեռևս նախորդ տարիներին: Նրանք կանգուն՝ վիճակում կիսով չափ թաղված էին հատակի մեջ և ծառայում էին ինչպես հացահատիկի, այնպես էլ դինու պահեստավորման համար: Դրանք են նրանց բազմաթիվ բեկորներ, ընդհանուր ձևի պահպանող (դեպի դուրս թեքված, վերևից տափակ), հիմքում պարանաձև ունեցող գոտիով: Հանդիպում են նաև ավելի փոքր կարասների բեկորներ, համեմատաբար բարակ պատերով: Նրանք ունեն թեք պսակներ, վրան ղուգահեռ համակենտրոն ունեցող գոտիներ ու ակոսներ: Մի կարասի շուրթը ուռուցիկ է, կլորավուն դեպի դուրս ցցված: Մեծ տաշտերի ու կոնքերի բեկորները ունեն բնորոշ ձևի շրթեր՝ դեպի դուրս կլորացող, հիմքում (զրսից) լայն ակոսով: Կարմիր փայլեցրած ավելի փոքր մի անոթ ունի թեք պսակ, վերևից տափակ, ուղիղ, նեղ շուրթ: Անոթի իրանը զարդարված է նեղ զուգահեռ ակոսներով: Կճուճներից մեկը, որ դարձյալ փայլեցրած է, ունի նեղ, հարթ նրսատու, խիստ ուռուցիկ իրան, ցածր վիզ և հեռացող շուրթեր: Մյուսը բաց գույնի է, հաստացող իրանով, կարճ վզով և գլանաձև շուրթով: Ուրարտական խեցեղործությանը բնորոշ էին այսպես կոչված «սիգարաձև» անոթները, որոնք մասնագետների կարծիքով նախատեսված էին զարկերի պատրաստման համար: Նրկարավուն, համաչափ լայնացող իրանով, ցածր վզով, դեպի դուրս թեքվող հարթ շուրթերով այդպիսի անոթներ մեծ թվով գտնվել են Կարմիր բլուրում, էրեբունիում և այլուր:

Թասերի բեկորներն ունեն կլոր ոտք, հարթ կամ դրսից ներձկված հատակ, թմբիկավոր հաստ շուրթ, հիմքում բնորոշ նեղ ակոսով: Թասերից մեկը ներսից ներկված է ամբողջությամբ, իսկ դրսից՝ մինչև իրանի կեսը, որով հիշեցնում է անտիկ դարաշրջանի կավանոթները: Հանդիպում են նրանք (որոնցից մեկը անսովոր ձևի է՝ մեջտեղում կլոր միջնորմով), հարթ հատակով թաղարներ, կլոր, ոչ բարձր կոդերով, փոված մեծ անոթներ, պայտաձև փոքր անոթներ, որոնք իրենց զուգահեռներն ունեն ուրարտական մյուս կենտրոններում և


որոնց նշանակությունը մինչև վերջ պարզված չէ (կթղանե՞ր): Առանձնահատուկ տեղ են գրավում ծորակավոր անոթի երկարավուն գլանաձև քիթը՝ եռաթերթաձև ծայրով, ծածկված շագանակագույն ներկի շերտով և մի կանթանի սափորը՝ ծածկված բաց գույնի քսուկի շերտով, ավելի բնորոշ ետուրարտական ժամանակաշրջանին (նկ. 3, 4): Անոթների վրա կան տարբեր նշաններ՝ թաց կավի վրա արված (ուղղահայաց լայն դժեր), փորագրված (խաչաձև կամ նետասլաքի ձևի) ու դրոշմված (ձվաձև եզրագծերի մեջ արված կենաց ծառեր): Ուրարտական դարաշրջանին են վերաբերում բլրի հարավային ստորոտում պատահականորեն բացված մոխրագույն կճուճները, մեկը եղունգով արված զարդերից կազմված գոտիներով, մյուսը՝ փորագրի եռանկյունիներով, երրորդը՝ անցքավոր ունկով, որոնք իրենց զուգահեռներն ունեն երկաթեդարյան խեցեղենի մեջ:

Հելլենիստական դարաշրջանի նյութերը ներկայացված են խեցեղենով, զարդերով, կավե արձանիկով: Նախորդ տարիներին հետ համեմատած խեցեղենը պակաս հարուստ է, որ բացատրվում է ամրոցի ծալարանման հատվածի մեծ մասի՝ նախկինում պեղված լինելու հանգամանքով: Միևնույն ժամանակ պետք է նշել, որ կավանոթների տիպերը հիմնականում կրկնում են Արմավիրից հայտնի տեսականին՝ իր անդրդ, գունազարդ, սև փայլեցրած ու կենդանակերպ նմուշներով (նկ., նկ. 3, 4): Դրանք են՝ միկանթանի սափորի վերնամասը երեքնուկաձև պսակով և կտրվածքում կլոր աղեղնաձև կանթով, կոնքի բեկորներ՝ շուրթի տակ լայն ներձկված գոտիով, լայնաբերան ծորակավոր կճուճի բեկոր՝ շուրթի վրա դրսից ու ներսից ներկի բնորոշ շերտերով: Հանդիպում են տափաշների գունազարդ և անդրդ բեկորներ: Ալաբաստոնաձև անոթների բեկորներից մեկը ավանդական հաստապատ, կարմիր ներկված տեսակից է, մյուսը՝ նրբախեցի է, վրան սպիտակ ներկով նախազարդած: Թասերը երկու տիպի են. այսպես կոչված խաչազարդ թասեր, այս կամ այն չափով պրոֆիլավորված շուրթերով, և կլորավուն հատակով թասեր՝ դեպի դուրս լայնացող բարակ շուրթով: Այս թասերը

3 Б. Н. Аракелян, О некоторых результатах археологического изучения древнего Армавира, «Պատմա-բանասիրական հանդես», 1969, № 4: Г. А. Тирацян, Древнеармянская керамика из раскопок Армавира (опыт классификации и датировки), «Պատմա-բանասիրական հանդես», 1971, № 1:

բոլորը ներկված են կամ համատարած ձևով ներսից ու մասամբ կիսով շափ դրսից, կամ գունազարդված են խաչանման ու շերտավոր մոտիվներով։ Ուշադրության արժանի է թռչնակերպ սև փայլեցրած անոթը, որից պահպանվել են պղնձ ու տափակ հատակը։ Այն անկաս-

ժամանակաշրջանի խեցեղենի բնորոշ խումբ է։ Կազմում սև փայլեցրած խեցեղենը, որն առաջին հայացքից հիշեցնում է ավելի հին դարաշրջանների նմուշները։ Գտնված բեկորներից մեկն ըմպանակի է, մյուսները՝ հորիզոնական նեղ ակոսներով, ուղղահայաց ուղիքի նեղ գո-



Նկ. 4

կած իր տեղն ունի Արմավիրի հելենիստական դարաշրջանի կենդանակերպ անոթների շարքում։ Գունազարդ խեցեղենը, բացի վերևում հիշատակված մի քանի նմուշներից, ներկայացված է մի կանթանի կճուճի, ձվածե թասի, տափաշի ու այլ անոթների բեկորներով։ Կճուճի շագանակագույն ֆոնի վրա կարմիր և սև ներկով արված են հորիզոնական գոտիներ, եռանկյունիներ, գալարներ։ Գունազարդ խեցեղենը կազմում է Արմավիրի խեցեղեղծության բնորոշ կողմը և այն չի դադարում հետաքրքրել Հայաստանի հելենիստական դարաշրջանի մշակութային ուսումնասիրողներին։ Արմավիրի նշված

տիներով, ինչպես նաև կուտածե փոքր փոսիկներով զարդարված կճուճներ։

Պեղումների ընթացքում գտնվել են քարե զարդարուն ճարմանդներ, ներձկված բրոնզե ապարանջանի բեկոր, սերդուլիկից ուլունք, ծովային խեցի, լավ հղկված օնիքսե՝ հավանգի դաստակ և քարե սրաքար։

Առանձնապես մեծ հետաքրքրություն է ներկայացնում կավե արձանիկը (Նկ. 5)։ Այն հիշեցնում է 1972 թ. Արմավիրում գտնված, երեսային կերակրող մորը պատկերող արձանիկը, միայն այն տարբերությամբ, որ այստեղ երեսան կանգնած է ու ձախ կողմից հակվել է մոր կրծքին։ Մայրը նստած է գահավորակին,

առաջին հենած նրա պատվանդանին, մի ձեռքով գրկել է երեխային, մյուսով կուրծքն է ազատել: Մոր զգեստի թեք և ուղղահայաց ծալքերը իջնում են ներքև: Հստակորեն է վերարտադրված վիզը երիզող օձիքը: Թեև արձանիկի զուտ շի պահպանված, բայց լավ



Նկ. 5

երևում են նրա երկու կողմից իջնող և բազուկները ծածկող զլխաշոր-թիկնոցի ելրերը: Երեխայի մազերը վերարտադրված են սխեմատիկ զուգահեռ ոչ խոր ակոսներով: Ամբողջ կոմպոզիցիան, մոր և երեխայի մարմինների մոդելավորումը ցույց է տալիս, որ վարպետը ծանոթ է հելլենիստական արվեստի նմուշներին: Նման արձանիկներ, որոնք պատկերում են ըստ երևույթին մայր աստվածուհուն՝ Անահիտին, Արմավիրից բացի գտնվել են Արսաշատում և Վաղարշապատում⁴:

4 Բ. Ն. Առաքելյան, Անարկներ հին Հայաստանի արվեստի պատմության, Նրևան, 1976, աղ. LXXXIV, LXXXV: Ժ. Գ. Խաչատրյան, Հայաստանի անտիկ շրջանի կոթողային արվեստ, ՀՍՍՀ ԳԱ «Լրագրեր հաս. գիտ.», 1977, № 5, աղ. I:

Միջնադարյան նյութը, որը գտնվել է բլրի վերևի շերտերից և հորերից, բաղկացած է խեցեղենից, մետաղե առարկաներից և զարդեղենից: Գտնված սելջուկյան բրոնզե երկու դրամները, դրամագետն. Մուշեղյանի կարծիքով վերաբերում են XII դարի երկրորդ կեսին և XIII դարի առաջին կեսին և որոշակի նշանակություն ունեն միջնադարյան շերտի ճիշտ թվագրման համար: Խեցեղենի գերակշռող մասը կազմում է խոհանոցային խեցեղենը (կճուճներ, բրդաններ, սափորներ): Ուշագրության արժանի են կարմիր անոթի բեկորը՝ թերթիկավոր կլոր դաշազարդերով և նույնպես կարմիր ներկով պատած տաշտի պսակի բեկորները, դրսից ռելիեֆ, ուղիղ և ալիքաձև գոտիներով: Զնարկած խեցեղենը ներկայացվում է մի պնակի հատակով և այլ բեկորներով:

Մետաղե իրերից պետք է հիշատակել այգեգործի երկաթե կեռ դանակը, երկթե ծայրով, երկար պոչով երկաթե նետասլաքը և բրոնզե մատանին:

Գտնվել են երկնագույն մածուկից պատրաստված հարթ կամ բլթակավոր կոդերով, տարբեր չափերի տակառաձև ու զնդաձև ուլունքներ: Ուշագրության արժանի է այսպես կոչված ալքավոր մեծ ուլունքը, որ սև է և հարդարված է տարբեր գույնի շերտերից կազմված «ալքերով»: Ինչպես հայտնի է, այս ուլունքները Հայաստանում ի հայտ են գալիս վաղ հայկական ժամանակաշրջանից, առատաճում հելլենիստական նյութերի մեջ և անցնում միջնադար:

Միջնադարյան շերտում գտնվել են օբսիդիանից և կալծարից պատրաստված ալխատանքային գործիքներ՝ կտրիչներ և մանգաղներ, որոնք անշուշտ պատահաբար են հայտնվել այստեղ ավելի խոր շերտերից:

Արմավիրի 1974—1976 թթ. պեղումների արդյունքները մի անգամ ևս բացահայտում են հուշարձանի բաղմաշերտ բնույթը ու հաստատում նրանց նշանակությունը ուրարտական, հին հայկական՝ հելլենիստական ու միջնադարյան մշակույթների ուսումնասիրության համար:

Պատմ. գիտ. թեկնածու Գ. Ա. ՏԻՐԱՅՅԱՆ

Ի. Ա. ԿԱՐԱՊԵՏՅԱՆ